

如此痛毒何可忍之融問其言兩淚悲感抗聲發願乞衛法靈官真經將吏捨其往罪許以自新載得性命不敢輕於經錄言訖號咷叩告聲聞于外頃之心安而寐夢金甲神王三百餘人在空虛之內森然而立使人告之

曰汝以輕微靈官侮賤真法更合考責二年既能知過識非且為原放盡汝八年餘命不得聊足貨鴛法錄載犯此罪永沉幽獄自是考責亦停疾痛漸愈半月間平復如故具以此事書榜於壁廣勸同人矣

姚生黃庭經驗

姚生者華原人也幼而好道持黃庭經光啓中僖宗載幸陳倉遠近驚擾姚為賊所迫夜走墮枯井中傷足求未得乃旁有窰穴匿於其中晝夜念經因不飢渴足疾亦愈時襄王既平寇大駕歸闕鄉里人戶稍復有遊軍夜宿井側見井中有光極而出之具述經靈驗遂為道士居華原西界觀中焉

道教靈驗記卷之十二

道教靈驗記卷之十三

同卷十四 常八

廣成先生杜元庭集

鐘磬法物靈驗

青田縣清溪觀鐘磬

處州青田縣清溪觀古有銅鐘因袁鬼亂後失其所在有墨書青田字人或記焉其後溫州島嶼山下水中舟人時聞鐘聲幽咽不遠一旦有人忽見水中一物如半鐘之形側露水上盪漿視之既近即覆矣露其一半認其模範之跡蒲牢之形乃鐘也以物觸之沉於水中矣與人語其異好事者乘舟者之天氣晴霽亦時一見州寺僧結絲舫具蒲花致齋迎之或經宿水上道場禮懺而請或得見之尋又沉去道門亦備蒲花舟舫香火迎之見而不得清溪道士時亦在迎鐘聲中稽首祝之曰此州觀寺皆有鐘唯清溪觀無鐘多年極是闕事遠地不辨香花單心而已鐘若有靈願泝流自往某旬日即歸於觀前溪中奉候眾聞其說皆笑之十餘日道士歸青田鐘已在觀前潭中矣焚香迎之汎汎就岸重

千餘斤數人挽拽懸挂若百許斤耳自後時亦飛去旬月却迴今以大鎖鎖之不復去矣其上墨書青田字久在水中宛然不滅井邑老人詳認其字乃觀中舊鐘也

宗玄觀鐘磬

青城山宗玄觀古跡銅鐘三千餘斤隱花文飛仙幢節之狀工甚精好劉闢據成都取管內銅像大鐘鑄兵器及錢此鐘差縣人挽拽下山磨其上隱起花文欲盡煩以巨石捶擊終不能損拽至江干將人竹筏力敵萬斤竟亦不動縣狀申開闢異之令送山中三二十人牽送上山纔若一二百斤爾既復懸掛時或擊之立致雷雨至今見在

太平觀鐘磬

溫江縣太平觀有任尊師者於市中每日戶乞一錢鑄鐘萬斤數年鐘成尊師年已八十餘矣作大齋表讚扣鐘數百下辭訣而去即大曆年中也其後劉潼僕射權旆西川觀寺鐘上皆鐫刻陀羅尼呪至是任尊師復歸領巧工於况邊刻云觀家銅鐘不合長刻佛呪

別立誓詞數句而人見任狀貌益少壯於當時信是得道者

眉州彭山觀鐘驗

眉州故彭山市觀有大鐘數千斤觀去州二十餘里每扣鐘之時聲應州郭頃乎僧輩誑陳文狀云觀無道士鐘在草中常用軍之時官無正理遂移於州寺懸掛上鐘之時折匠之足人以爲靈驗寺當州門扣擊之聲不聞州內羣僧別鑄大鐘此鐘不還本觀實與嘉州寺中下樓之時傷其二匠斷足折腰入船出岸皆有傷損孽俗不以爲靈驗至今流落未還良可惜也

爰赤木古鐘驗

爰赤木古鐘開元中所進云亦木莊在玉山之下時聞地中隱隱然有鐘聲尋求莫能致一旦赤木患瘡疾且甚醫不能祛夢一青童曰得浴鐘水洗之即愈赤木就近觀寺中以水洗鐘用器盛之歸以洗瘡彌加痛劇乃令人於常聞鐘聲處聽之果有聲在地下掘數尺而得之鐘形上有坐獅爲鼻鼻下平闊其

頂圓大圓三尺餘六七寸頓小如腰鼓形向下復大奇文隱鏤萬狀千名迨非銘範所作既得以水浴去泥土取其水洗瘡即日痊愈夜有光景時或自鳴爲隣里所異不敢藏隱奉表進焉敕賜景龍觀黃巢前此鐘猶在實

應中盤屋縣居人耕地亦得古鐘百餘斤上有伏虎形爲鼻自鼻以下頓大數寸而小殺之如是載殺三成共高一尺八九寸偏身天花雲葉工用殊妙比赤木所得圓厚而重既得夜夜有光或飛於空中聲韻清越亦表上進詔送玄真觀久之取留內殿渝州南平縣道昌觀有古鐘焉以二獅子對立捧花座蛟螭爲鼻蛟尾分繞獅子之足盤於鐘上鐘形載殺三成如盤屋古鐘之狀於其殺處細花文五條當中一條金色明淨累累若珠貫馬次珠條之外作花片之狀屈曲相縈又外一重雲葉纏繞蹤跡奇巧二夫周細若非人功此外周身有花不可細紀云是湘東王送與隱居陶貞白近因亂離鐘已遺失又熟南鹽井中因推損修築得一古鐘長三四尺中細

而實如腰鼓瓦腔之狀兩頭圓厚扣之皆有聲奇音響亮與常異在鹽井多年益加光膩無毀蝕之勢時有金色精明異常節度使僖公留鎮府庫焉

玉霄宮鐘驗

天台玉霄宮古鐘高二尺所重百餘斤制度渾厚形如鐸上有三十六乳隱起之文亦甚精妙相傳云夏禹所鑄或云是越王樂器頃年于空中夜夜飛鳴人皆聞之忽墮于禹廟內藏之府庫綿歷七八十年果有名僧求請欲彰其異而皆廉問不與咸道中左常侍李紳爲浙東觀察使請玉霄峯葉尊師修齋受籙於使宅立壇出此鐘以擊之既而水部員外柳韜復自上京得老君夾紵像高三四尺聖相奇妙乃重裝修作蓋頂寶帳以白金香鴨香龜數事送於玉霄亦便留錄壇內供養齋畢李紹命賓畫爲鐘銘具以歲月刻於鐘上并老君像偕送山中所刻之處璨然金色鳥跡寺僧頻求此鐘不得既知錫勒銘篆已送天台計無所出乃揚言曰天台所得古

鐘乃真金也匠人所刻之末是數兩金沉於鐘乎又有香鴨器四計其所直多矣因有衲僧與不逞輩十餘人夜入玉霄宮伏於版閣之下中夜踰欄干而上於道場中取香鴨香龜金龍道具實於囊中廢鐘於背出門羣呼而去尊師知之不許徒弟追之僧等約行三十餘里憩一大樹下良久天明只在閣柱之側眾小師往視之背鐘者已殪死矣其餘徒黨癡憤凝然不辨人物鐘及金帛一無所失尊師呪水灑之良久僧亦稍醒羣賊乃蘇發願立誓乞不聞於官乃盡釋之扶昇病僧而去僧至山下乃卒

開州龍興觀鐘驗

開州龍興觀鐘七八千斤未有鐘樓懸于殿上而已相傳云州中有敕收之徒遺失之物爭訟不決之事沉滯抑屈之情焚香叩鐘立有明效至有囚徒刑獄推鞠不得其實者即入款請擊鐘便可分雪明白余頃駐泊觀中忽見官吏押領囚徒來于鐘前焚香告誓按徒將擊之際有人抑止之更令取款如是數

四都不擊鐘論訟已得其理矣因問其故曰累有公案不決者請擊此鐘擊鐘之後旬月之內詎罔冤抑于入者必暴病而死情有相黨事有連累者一年之中無子遺矣有理被抑之人宛然無苦由是刑獄大小無敢有欺以鐘為準的也雲安白鶴觀鐘亦類於此遠近傳焉

施州開元觀鐘驗

施州清江郡開元觀有鐘焉其形絕古用鱗為鼻以系于簾狀若玄孤叩之初則清音編遠俄而震然響聞數里然不知何代之器也初有郡民牧牛于郡南田間忽聞有異聲自地中發民與牧童數輩聞之皆驚走辟易其後民病熱旬餘夢一丈夫衣青襦告之曰汝遷我于開元觀民亦未悟其旨又到田間載聞其聲如前而審誌其地即以事白於郡守郡守封君怒曰此民昏妄輒以不急之事干我耶叱去之是夕民又夢青襦者曰吾委跡於地下有年矣汝不速出者必有大咎民大懼及曉與其子偕往鑿其地深丈餘得此鐘

色青如所夢丈夫衣色也遂載白郡守郡守置於開元觀是日辰時不擊自鳴震響極速郡人俱異而歎之郡守以其事上聞明皇有詔編於國史復命宰臣李林甫寫其奏以頒示天下矣

洪州許真君鐘驗

洪州遊帷觀有二鐘一是觀同持教所鑄一是許真君修行鐘歷代傳之在真君殿稍小於觀鐘耳節度使嚴譔創置節制威令風行素重得主長老增修其院長老欲取許君鐘嚴差官吏取而投之道士皆不敢論其曲直取鐘之日雷風震擊是時大設齋筵費用極廣風雨暴至曾不施張頃刻水溢數尺及扣其鐘如擊土木並無音響長老謂嚴曰此州道士例多妖法必是禁鐘使無聲耳嚴怒捕諸道士所在禁繫責其邪幻將加重法官吏畏威無敢諫者嚴忽沈然思寐夢見許真君與二從者來至其前謂嚴曰無知無道強取我鐘又加法於道士若不送鐘還觀禮謝大道侍者斷其頭來即見授劔於侍者驚覺流

汗而侍者持劍髣髴在其前遠釋諸道士送鐘還觀自詣遊帷焚香致謝迴顧見持劍侍者謂之曰汝為不道加害於人上帝所責斷頭之事恐將不免言訖而去不久以開江事敗賜死

天師劍驗

天師劍五所鑄狀若生銅五節連環之柄上有隱起符文星辰日月之象重八十一兩常用誅制鬼神降剪兇醜昇天之日留劍及都功印傳於子孫誓曰我一世有子一人傳我印劍及都功蘇唯此非子孫不傳世子頂上有朱髮十數莖以表奇相于今二十一世矣其劍時有異光或聞吟吼乍存乍亡頗彰靈應至十六世天師好以慈惠及人憂軫于物以神劍靈效每有疾苦者多借令供養即所疾旋祛隣家夜產性命危切亦以此劍借之既至產家有神光如燭閃然照一室之中墮地而折經數十年十八世孫惠欽志性溫和守謙退直與物無競俗機世務泛然不經其心人有所言雖譎詐者亦皆信用略無疑色

一旦有人挈布囊入雲錦山仙居觀周行廊廡之下瞻禮功德云解磨鏡釘鉸門人令其綴鐸小銅鎖于師見之問曰我有折劍鐸綴得乎此人請劍看之云可矣請別掃一室須炭數斤反扁其門以巨石為礎熾炭鈍擊聲聞于外門人皆股慄心戰憂此劍碎于其手師殊不為慮頃之鈍鍛聲絕工人執劍以呈果完綴如舊所鐸之處微有黑痕如絲髮爾師以錢半千酬之此人得錢媿謝致于老君前負囊而去出門數步尋失所在有識者疑是天師化現降於人間自續其劍不然何得重脫若此而鈍擊不傷完復如故

張讓黃神越章印驗

張讓黃神印驗讓家于桂州客遊湘鄂間因得心疾初則迷忘在途忘行在室忘坐惑于昏曉迷其東西累月之後復多狂怒詬責鬼神凌突於人至於裸露馳騁不知避忌履水火冒鋒刃不為憂患時亦燒灼害之傷割及之道士袁歸真新刻黃神越章印醮祭方畢試為焚香依法以印印之印心及背讓正在

走執而印焉昏然而睡歸真知印之效也復染丹炷香載印其心儼然疾愈有物如鸛從其口中飛去數丈之外墜於地上眾往視之乃大蝙蝠爾背上印字宛然讓乃平復如舊歸真持此印所在救疾大獲靈驗

范希越天蓬印驗

范希越成都人得北帝修奉之術雕天蓬印以行之祭醮嚴潔逾於常法廣明庚子歲三月不雨五月逾望人心焦然穀稼將廢願於萬歲池試行神印為生靈祈雨於是詣至真觀致齋是日庚辰以戌時投印池中陰風遽起雲物周布亥時大雨連晚及辰大電迅雷驚震數四至巳少霽乃得歸府昇遷橋水漸馬腹羅城四江平岸流溢螟蝗之屬淹漬皆死自是有年矣明年駕駐成都上知具道術召對問以逆寇誅劔宮城尅復之事命持印於內殿妻醮積雨之中雲霧月朗是夕上夢神人示以誅寇復城之兆上大悅授太常奉禮郎累遷主客員外衛尉少卿錫以朱紱黃巢捷至果符聖夢之日特加寵異自言初居

夷勝巷印篆初成而變冠凌突居人奔散藏印於堂屋瓦中蠻去之後四隣焚燼其所居獨在疑印之靈也

越州上虞縣延慶觀鐘驗

越州上虞縣郭郭間有隙地數畝時聞鐘鳴地中咸通年縣令夏侯頌傾心崇道以縣邑無觀買其地創造觀宇掘獲古鐘百餘斤上有文字曰正觀是冬賜額以降誕節祝壽所奏賜名延慶觀焉

道教靈驗記卷之十三

道教靈驗記卷之十四

廣成先生杜元庭集

齋醮拜章靈驗

陳武帝黃籙齋驗

陳武帝禪位之初江南大旱稼穡皆傷雖赦宥牲牢減膳避殿放宮人解鳥獸賑卹窮之禱祝名山二年亢旱戶口凋減帝於延安殿召百辟會議致雨之術無以為對御史曹千齡奏曰衡嶽道士葛伯雲年數百歲常持陰符經山神虎狼出入侍衛必有非常之術可副陛下之求即命使徵伯雲至都下帝設禮加敬問致雨之術答曰但修黃籙道場拜告天地自當有應遂於正殿置壇虔誠修奉至第三日果降大雨三日三夜遠近均足苗稼再蘇歲乃大稔伯雲辭歸山帝賜雲冠羽衣文机寶杖委之而去自是較大臣公卿凡百士庶每歲祈禱修黃籙道場持陰符經持於洞庭山置黃籙觀國內選度道士一千二百人大崇玄教矣

隋文帝黃籙齋驗

隋文帝開皇之初干戈不施寰海克定唯王謙後周舊臣勳名素重畏憚隋祖恐禍及其身遂據三蜀以圖變帝出師征之頻戰不克兵士多病死者相枕乃於內殿修黃籙道場祈天請祐三日夜夢神人降曰帝王上承天命下順人心天人合符然後有國今陛下革周立隋天所命也一方之力何以敵於四海之力乎帝曰剋屬弔民蓋不獲已但王師疾疫以此為憂爾神人曰疾疫者北人不堪瘴毒所以多病壇中法水可救億兆之人況偏師乎即見神人取壇中禁壇水向西南噴之曰雨至即疾愈無煩聖慮也于日進軍必當克蜀旬日軍中奏某夜雷雨灑營壘之上三軍疾者皆蘇無復瘴疫矣其後王謙傳首三蜀底寧果是于日也

唐高祖醮宗聖觀驗

唐高祖自太原入長安以公主駐軍司竹園親臨軍所使至樓觀謁聖祖老君以隋尚書蘇威莊二百頃賜觀充香油常住改名為宗聖觀時秦王征討四方東拒王充外禦實德